

Evening Dogri (NSD) Bulletin

23-01-2026

आकाशवाणी

खबरां शिवि सूरी कोला

- प्रधानमंत्री नरेंद्र मोदी होरें आखेआ जे एनडीए सरकार सडक संपर्क, विज्ञान, नवाचार ते सोआस्थ सेवां च महत्वपूर्ण निवेश करा'रदी ऐ, उमें कई विकास परियोजनाएं दा शुभारम्भ कीता ते केरल च नमें ट्रेन सेवाएं गी हरी झंडी दस्सी।
- इलेक्ट्रानिक्स ते सूचना प्रौद्योगिकी मंत्री अश्विनी वैशणव हुंदा आखना ऐ जे भारत अगले 18 महीनें च अपने खुद दे ब्रैंड लांच करोग।
- दावोस च भारत ते यूरोपीय संघ नै पर्यावरण अनुकूल परिवहन ते हरित विमानन च सहयोग गी अगले बदाने पर सहमति जताई।
- यूक्रेन च युद्ध समाप्त करने लेई रूस, यूक्रेन ते अमरीका अबूधाबी च त्रिपक्षीय वार्ता करंगन।
- पच्छमी गडबडी करी उत्तर भारत च लम्में समें थमां पवा'रदी सुक्की ठंडू थमां निजात, जम्मू-कश्मीर, हिमाचल प्रदेश ते उत्तराखंड दे किश हिस्सें च बरखा ते बर्फबारी होई।
- भारती शटलर पी.वी सिंधू ते लक्ष्य सेन जकार्ता च इंडोनेशिया मास्टर्स दे क्वार्टर फाइनल च मकाबला खेडडन।

<><><><><><>

PM-Development Projects

प्रधानमंत्री नरेंद्र मोदी होरें अज्ज केरल दे तिरुवंतपुरम च केई विकास परियोजनाएं दी शुरूआत कीती ते नमी रेल गड्डियें गी रवाना कीता। प्रधानमंत्री मोदी होरें पी.एम स्वनिधि क्रेडिट कार्ड दा शुभारम्भ कीता ते 1 लकख लाभार्थियें गी पी.एम स्वनिधि ऋण दा वितरण कीता। श्री मोदी होरें त्रै अमृत

भारत एक्सप्रेस ते इक पैसेंजर रेल गड्डी गी रवाना कीता। उनें नवाचार, तकनीकी ते उद्यमियता केंद्र वैज्ञानिक ते औद्योगिक अनुसंधान परिशद राश्ट्री अंतर्विर्षयी विज्ञान ते प्रौद्योगिकी संस्थान दा बी नीह पत्थर रक्खेआ। प्रधानमंत्री होरें श्री चित्रा तिरूनल इंस्टीच्यूट फॉर मेडिकल साइंस एंड टेकनालजी च अत्याधुनिक रेडियो सर्जरी सेंटर दी आधार शिला रक्खी ते नमें मुक्ख डाक घर दा उद्घाटन कीता। प्रधानमंत्री होरें तिरुवंतपुरम च जनसभ गी संबोधित करदे होई आखेआ जे पूरा देश विकसित भारत दे लक्ष्य दी दिशा च इकजुट होइयै कम्म करा'रदा ऐ ते इसी पूरा करने च शैहरें दी महत्वपूर्ण भूमिका ऐ। उनें आखेआ जे केंद्र सरकार पिदले 11 बरें थमां शैहरी अवसंरचना पर मता निवेश करा'रदी ऐ। आयकर दरें च सुधार दा जिक्र करदे होई प्रधानमंत्री होरें आखेआ जे केरल दे मध्यम वर्ग गी बी इस छूट दा लाह थ्होआ ऐ।

<><><><><><>

PM-NDA Partners

बीजेपी दे वरिष्ठ नेता ते प्रधानमंत्री नरेंद्र मोदी होर तमिलनाडू च एनडीए सहयोगियें कन्नै चेन्नई कश मदुरंतकम च पैहली राजनीतिक बैठक च शामिल होंगन। राज्य च विधानसभा चुनां नजदीक आवा'रदे न, एहू बैठक जन विरोधी ते विकास विरोधी डीएमके गी सत्ता थमां बेदखल करने दी चुनावी अभियान दी नीह रक्खोग।

<><><><><><>

India-Mobile Brands

केंद्री इलेक्ट्रानिक्स ते सूचना प्रौद्योगिकी मंत्री अश्विनी वैष्णव होरें आखेआ जे भारत अगले 18 म्हीनें च अपने मोबाइल ब्रैंड लांच करने दी त्त्यारी च ऐ। श्री वैष्णव होरें दावोस च विश्व आर्थिक मंच दे दरान एहू जानकारी दिती। उनें आखेआ जे भारत च इक मजबूत इलेक्ट्रानिक्स इको सिस्टम ऐ ते हुन मोबाइल फोन दे क्षेत्र च अपने ब्रैंड आहनने दा समें आई गेआ ऐ। उनें दस्सेआ जे विश्व आर्थिक मंच

दरान भारत नै मोबाइल फोन च लगगने आहली ज्हारें चीजें दा उत्पादन करने आहले पूरे इको सिस्टम कन्नै महत्वपूर्ण बैठकां कीतियां।



India-EU

भारत ते यूरोपीय संघ परिवहन बवस्था च भागीदारी गी अगगे बदाने पर सहमत होए न। कल दावोस च विश्व आर्थिक मंच थमां बक्ख- बाहरें यूरोपीय संघ दे परिवहन आयुक्त अपोस्टोलोस तिज-तिज कोस्तास ते नागरिक उडुयन मंत्री के. राम मोहन नायडू हुंदे बश्कार मुलाकात होई। श्री नायडू होरें दस्सेआ जे बैठक च सतत विमानन ईंधन जनेई नवाचारें, पर्यावरण अनुकूल परिवहन गी प्राथमिकता देने ते हरित विमानन पर ध्यान केंद्रित कीता गेआ। बैठक च स्थिरता, नवाचार ते पर्यावरण अनुकूल परिवहन प्रणालियें पर बी चर्चा कीती गेई। दौनें पखें समन्वय, संयुक्त प्रमाणन, साइबर सुरक्षा ते ड्रोन नियमें च यूरोपीय संघ विमानन सुरक्षा एजेंसिएं ते नागर विमानन महानिदेशालय बश्कार सहयोग मजबूत करने पर सहमति व्यक्त कीती।



Trilateral-Meeting

यूक्रेन दे राष्ट्रपति व्लादिमीर जेलेंस्की होरें घोशणा कीती ऐ जे यूक्रेन, अमरीका ते रूस अज्ज थमां दो दिन दी बैठक च शामिल होंगन। बरे 2022 च यूक्रेन ते रूस बश्कार शुरू होए दे संघर्ष गी खत्म करने लेई पैहली बार त्रै देशें दे प्रतिनिधिमंडल अज्ज ते कल संयुक्त अरब अमीरात दी राजधानी आबू धबी च त्रिपक्षीय बैठक करोग। यूक्रेन दे राष्ट्रपति जेलेंस्की होरें दावोस च विश्व आर्थिक मंच दे मौके पर अमरीका दे राष्ट्रपति डोनल्ड ट्रम्प हुंदे कन्नै बैठक दे बाद एहू जानकारी दित्ती। त्रिपक्षीय बैठक कोलां पैहले रूसी राष्ट्रपति व्लादिमीर पुतिन होरें मास्को च अमरीकी विशेष राष्ट्रपति दूत स्टीव विटकॉफ ते बवसाई जेरेड कुशनर हुंदे कन्नै मुलाकात कीती।

स्वच्छ उर्जा गी जल केंद्रित विकास आंदोलन च बदलने कन्नै-कन्नै गै उर्जा सुरक्षा गी मजबूत ते बिजली दी लागत गी घट्ट कीता ऐ।



Weather

लम्में समें तोड़ी सुक्के दे बा पच्छमी गड़बड़ी करी जम्मू ते कश्मीर, लद्दाख, हिमाचल प्रदेश ते उत्तराखंड च व्यापक बरखा ते भारी बर्फबारी दिक्खने गी लब्बी। भारती मौसम विज्ञान विभाग मताबक पंजाब, हरियाणा, राजस्थान, उत्तर प्रदेश सने उत्तर पच्छमी भारत दे मैदानी इलाकें च बी एहदा प्रभाव दिक्खेआ जा'रदा ऐ। दिल्ली ते राश्ट्री राजधानी दे एनसीआर च बी हल्की थमां मझाटले दर्जे दी बरखा कन्नै गरज ते बिजली पेई। हिमाचल प्रदेश च उच्चे ते मध्य प्हाड़ी इलाकें च बी भारी बर्फबारी ते मैदानी इलाकें च रूकी-रूकियै बरखा जारी ऐ। मती सारी शिड़कां यातायात लेई बंद न जिसले के बिजली आपूर्ति ते दूरसंचार सेवा बी प्रभावित होइयां न। जम्मू ते कश्मीर च पच्छमी गड़बड़ी नै कश्मीर क्षेत्र च पैहली भारी बर्फबारी कन्नै राहत प्रदान कीती जिस करी लम्में चिर थमां चलदे आवारदे सुक्की ठंड थमां बी राहत मिली ऐ। अधिकारियें दस्सेआ जे जम्मू-कश्मीर राश्ट्री जरनैली शिड़क एनएच-44 पर दौनें बक्खी गड़ियें दी आओजाई रोक दीती गेई ऐ।



Traffic (Dispatch)

ताजा बर्फबारी होने करी जम्मू-श्रीनगर राश्ट्री जरनैली शिड़क एन.एच-44 पर ट्रैफिक दौनें पास्से अज्ज बड्डुलै थमां रूकी दी ऐ। जम्मू ते श्रीनगर बश्कार गड़ियें दी आओजाई बंद कीती ऐ कीजे शिड़कै पर बर्फ जमा होई दी ऐ। एन.एच-44 दे कन्नो-कन्नो मुगल रोड, श्रीनगर-सोनमर्ग-गुग्री एसएसजी रोड ते सिंथन रोड गी बी बर्फबारी होने करी बंद करी दित्ता गेआ ऐ। आम लोकें गी सलाह दीती गेदी ऐ जे ओहू इनें शिड़कं उप्पर पूरी बहाली होने तगर सफर नेई करन। तोआई बर्फ पौने करी श्रीनगर ब्हाई अड्डे थमां घट्टोघट्ट 17 फ्लाइटां रद्द कीतियां गेदियां न।

मुकाबला अज्ज थाईलैंड दे पानि चाफोन टीरारत्सकुल कन्नै होग जिसलै जे सिंधु हंदा मुकाबला शीर्ष वरीयता प्राप्त चीन दी चेनन्यूफी कन्नै होगा।

<><><><><><>

Wreath

जम्मू दे टेक्निकल व्हाई अड्डे च अज्ज उनें 10 शहीदें गी श्रद्धांजलि दिती गई जिनें डोडा जिले दे भद्रवाह-चंबा इलाके च इक शिड़क हादसे दरान अपनी जान मुहाई। एह श्रद्धांजलि उनेंगी व्हाईट नाइट कार्पस दे जनरल आफिसर कमांडिंग लेफ्टिनेंट जनरल पी. के मिश्रा हुंदे आसेआ दिती गई। इस मौके पर सेना, भारती वायु सेना, बीएसएफ, सीआरपीएफ, पुलस ते सिविल प्रशासन दे अधिकारी बी टेक्निकल व्हाई अड्डे पर मौजूद हे। शहीद होए दे सैनिकें दे शवें दे खीरी संस्कार आस्तै उन्दे रिहायशी जिलें च भेजेआ गेआ।

<><><><><><>

Good Rake Rice

कश्मीर घाटी च जरूरी चीजें-बस्तें दी उपलब्धता गी यकीनी बनाने दे मकसद कन्नै उत्तरी रेलवे दे जम्मू डिविजन नै वीरवारें 24एं घैंटें दे अंदर-अंदर पंजाब दे संगरूर थमां चौलें कन्नै लदोए दे इक रेक गी अनंतनाग पजाया। आकाशवाणी दे जम्मू संवाददाता नै जानकारी दिती ऐ जे सीनियर डिविजनल कमर्शियल मैनेज उचित सिंघल होरें आखेआ ऐ जे भारती खाद्य निगम यानि एफ.सी.आई थमां अनाज दी इस पूरी रेक दा कामयाबी कन्नै घाटी पुज्जना जम्मू-कश्मीर लेई इक बड़ी बड़ी गल्ल ऐ। मेद ऐ जे एह रेक आम जनता ते बपारियें लेई जरूरी चीजें-बस्तें दी उपलब्धता च सुधार आहन्नोग। रेलवे ते एफ.सी.आई नै सांझे तौरा पर अनाज लेई जाने आहली एह माल रेल सेवा शुरू कीती ऐ।

<><><><><><>